

Avtale om interkommunalt vertskommunesamarbeid for Nordhordland barnevern

1. Samarbeidskommunar

Avtalen gjeld mellom Alver som vertskommune og deltakarkommunane Austrheim kommune og Fedje kommune.

2. Rettsleg grunnlag

Samarbeidet om barnevernteneste er eit administrativt vertskommunesamarbeid etter lov 22. juni 2018 nr 83 om kommuner og fylkeskommuner (kommuneloven) § 20-2.

3. Namn og formål

Namn på felles barnevernteneste er Nordhordland barnevern.

Målet med felles barnevernteneste er å yte heilskapelege og forsvarlege barneverntenester i eit sterkt kompetansemiljø.

4. Oppgåver

Vertskommunen skal utøve heilskapelege lovpålagte barneverntenester for samarbeidskommunane. Dette inkluderer akuttberedskap og naudsynt samarbeid med dei andre tenestene i kommunane.

Barneverntenesta skal organiserast slik at den kan drive fagleg forsvarleg.

5. Arbeidsgjevarforhold

Alver kommune har arbeidsgjevaransvaret for dei tilsette og felles barnevernteneste inngår i Alver kommune sin driftsorganisasjon.

6. Rapportering

Vertskommunen skal løpande og så snart som mogleg rapportere om tiltak som kan ha store økonomiske konsekvensar for samarbeidskommunen. Rapportering til fylkesmannen sendast i kopi til samarbeidskommunane.

Det skal opprettast eit samarbeidsråd med representasjon av barnevernleiar og rådmenn evt. annan representant frå toppleiarnivået som rådmannen bestemmer. Samarbeidsrådet skal ha møte inntil to gonger i året.

Rutinar for budsjettering og rapportering vil bli handsama i samarbeidsrådet første driftsår.

7. Delegering av mynde

Kommunestyret i samarbeidskommunane delegerer vedtaksmynde i einskildsakar etter barnevernlova til barnevernleiar i Alver kommune. Kommunestyret i Austrheim og

Godkjent:

Kommunestyret i Lindås dd.dd.måå, Kommunestyret i Meland: dd.mm.åå, Kommunestyret i Radøy dd.mm.åå

kommunestyret i Fedje gjer instruks til kommunedirektøren i eigen kommune om delegering av naudsynt mynde til kommunedirektøren i vertskommunen, jf. kommunelova § 20-2, 2. ledd.

8. Økonomiske tilhøve

Driftskostnader skal bereknast etter sjølvkostprinsipp. Total kostnad for Austrheim og Fedje er berekna til kr. 4.350.000,- pr. år. Beløpet er forankra i administrativt berekna kostnadsmodell og blir fordelt mellom Austrheim og Fedje etter erfaringstal for samarbeid mellom desse kommunane. For Fedje kommune utgjer dette kr 500.000 og for Austrheim kommune utgjer dette kr. 3.850.000.

Etter første heile driftsår vert driftskostnader, ressursbruk og fordeling av faste kostnader evaluert og administrativt justert.

I tillegg påløper kostnader i implementeringsfasen inkludert ikt-kostnadar som skal dekkast av samarbeidskommunane.

Utgifter til individtiltak skal kostnadsførast kommunen vedkomande er heimehøyrande.

Ved trong for advokattjenester ved fylkesnemndsaker og liknande rettslege prosessar nyttast som utgangspunktet kommuneadvokaten i Alver. Austrheim eller Fedje fakturerast for timer levert av kommuneadvokaten. For 2020 er timeprisen kr. 800. På bakgrunn av trong for spesiell kompetanse eller kapasitetsmanglar ved kommuneadvokaten vil eksterne advokattjenester verte nytta etter avgjerd av vertskommunen. Gjeldande samarbeidskommune fakturerast for kostnadene.

Kommunane blir fakturert for fast beløp ved a-kontobeløp og avrekning.

9. Lokalisering

Barneverntenesta vert lokalisert i Alver kommune. Barneverntenesta skal vere til stades lokalt etter tenestleg behov for barneverntenesten.

Austrheim kommune og Fedje kommune stiller kontorlokale til disposisjon til lokal bruk for barneverntenesta og for tverrfagleg samarbeid med andre relevante tenester i kommunane.

10. Iverksetting, avtaleendring og oppseiing

Planlagt iverksetting av Nordhordland barnevern er primo 2020. Faktisk dato vert bestemt administrativt, dog seinast 30.06.2020.

Prinsipielle endringar i avtalen skal vedtakast av kommunestyra. Mindre endringar i avtalen kan vedtakast av kommunedirektørane i samarbeidskommunane.

Samarbeidet vil kunne bli utvida med fleire kommunar. Dette krev kommunestyrevedtak av ny samarbeidsavtale.

Den einskilde kommune kan med eit års varsel seie opp avtalen, jf kommunelova § 20-8.

Godkjent:

Kommunestyret i Lindås dd.dd.måå, Kommunestyret i Meland: dd.mm.åå, Kommunestyret i Radøy dd.mm.åå

Godkjent:

Kommunestyret i Lindås dd.ddm.åå, Kommunestyret i Meland: dd.mm.åå, Kommunestyret i Radøy dd.mm.åå